

آبونه شرائطی : هر ر ايجون
سنه لکي (٤٠٠) آلتی ایلنی
(٢٢٥) ، ممالك اجنييه ايجون
سنه لکي (٤٥٠) ، آلتی آیلنی
(٢٥٠) غروشدر .

نسخه سی ٧,٥ غروشدر .
سنه لکي ٥٢ عدددر .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدله یین
یازیر اعاده اولماز .

والله یهدی من یشاء الی صراط مستقیم

باش محرر
محمد ماکف

صاحب و مدیر
اشرف ادیب

اتبعون اهدکم سبیل الرشاد

تذکره

آدره سی تبدیلینده آیریجه
غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالك اجنييه ايجون آبونه
اولانلرک آدرس لرینک
فرانسزجه یازلمسی رجا اولنور .

پاره کوندردلیکی زمان نهیه
داثر اولدینی بیلدیرلمسی
رجا اولنور

طلبه مکتوبری :

استانبرلده سبیل الرشاد جریده اسمویمه

آقره ملقا دارالخلافه طلبه سی نامنه آلدینمز مکتوبدر :

توحید تدریسات مسئله سنک تطبیقنه باشلانیدنی کوندن بری تردد و حیرت ایچنده بولونیورز. نه یاپه جغمزی شاشیردق. طلبه نك بر قسمی تحصیللریك صارصیلمش اولماسندن يك متأثر بر حالده بولونیورلر. شیمدی بر قسمی، یعنی ابتدای خارج اوچدن آشاغیسی لیسنه نك بشنچی صنفه قبول ایتمك لطفی کوستریورلرکه بو صنف، ابتدای خارجك دکل، آنجق احضاریلرک برنجی صنفه مقابلدرد. ابتدای خارج، لیسنه نك یدنجی، سکزنجی صنفلرینه معادلدر. ابتدای داخل اوچی اکیال ایدنلرده الهیات کیره بیله جک. ابتدای داخل بر وایکنجی صنفلرده بولونانلر نه اوله جق؟ بونلر حقنده هیچ بر قرار یوق. بز علوم دینه تحصیل ایچون مدرسه لره انتساب ایتمشدک. شیمدی آنجق صوک صنفی اکیال ایدنلر الهیات کیره بیلمک صورتیله بو مسلك علمی تعقیب ایده بیله جکلر. دیگرلری ایچون بونکا امکان قالمایور.

بز توحید تدریساتك باشقه درلو اوله جغنی ظن ایدیوردق. مدرسه لرك پروغراهلری وتشکیلاتی بوزولدن، اولدینی کبی معارفه دوراولونه جق دییه بیلیوردق. یوقسه بز مدرسه لرمنك لغو اولونه جغه دائر مجلسده هیچ برسوز کچمه مشدی. شیمدی بر قسمی لیسنه قبول اولونیور. فقط لیسنه ده کی درس لر علوم دینه متخصصی یتیشدیرمک ایچون لازم کن معلومات احضاریه بی تأمین کافی اولمادینی معلومدر. ابتدای خارجدن لیسنه قبول اولونانلر لیسنه بی قبول ایدنجه الهیات شعبه سنه ناصیل کیره بیله جکلر؟ فرض ایده لم که لیسنه مآذونی دییه قبول ایدیه جکلر. فقط عربجه بیلمدن، الهیات ایچون لازم کن مقدمات علوم دینه بی تحصیل ایتمدن الهیاتده کی یوکسک تدریساتی ناصل تعقیب ایده بیله جکلر؟ بو جهتلره بز عقلمز ایردیکی حالده اولیای امور اقدیلرمنك عقللری ایرمه سی اوله ماز.

امام و خطیب مکتبی دییه یکی آچیلان مکتبلردن ده هنوز برشی آکلامادق. بورادن چیقانلر الهیات فاکولته سنه قبول اولونه جقلرمی؟ بو امام و خطیب مکتبی دیدکلری یکی مکتب ابتدائی درجه سنده می، یوقسه لیسنه درجه سنده می بر مکتبدر؟ بوده هنوز بللی دکل. یالکزر بللی اولان برشی وارسه اوده بز تحصیلمنك صارصیلمسیدر. بز بونده نه قصورمن واردی، بیلمه یورز. اکر بز درس لریمزه چالیشماهرق، تنبلك ایدرک بوش یر ملت و دولتک باره سنی هدایتسه یدک اووقت بز قولمزدن طوتوب طیشازی آنمق قدر حقلی برشی اولاما زدی. حال بوکه بز مدرسه ده بز کوستریلن درس لره صوک درجه بر

شوق وهوسله چالیشدق. علوم دینه ایله برابر علوم ریاضیه وطبیعه به عاند درس لرده کوردک. حاصلی نه تدریس اولوندیسه هپسندن امتحان ویردک. ینده ویرمه یه حاضرز. هانی، دیمک ایستز که تحصیل خصوصنده بر قصورمن، بر تنبلكمز یوقدر. شو حالده بز تحصیلمنك صارصیلمنی موافق حق وعدالت اوله ماز. بز غایه من علوم دینه تحصیل در، بناء علیه بونی حقیقه تأمین ایچون لازم کن اسبابه شیمدیدن توسل اولونمنسی اولیای امور اقدیلرمندن رجا ایدرز. بز مرجعمنك شووکالت، یاخود بو وکالت اولمنك بزجه اهمیتی یوقدر. هپسی بردر. یالکزر بز علوم دینه تحصیل ایدرک اسلام طالی اولمق غایه من تأمین ایدملیدر.

بز استقبالمزی آجیق بر صورتده کوره مه دیکمز ایچون تردد واندیشه یه دوشیورز. استقبالمزه دائر اسکی خواجه اقدیلرمنه صوریورز. اونلرده صریح و قطعی برشی سویله یه میورلر. نه یاپه جغمزی شاشیردق. اونك ایچون بومکتوبی یازیورز. بالطبع بز کبی ده بر جوق طلبه لر وارددر. اونلرکده بوخصوصه نه دوشوندکلرینی آکلامق بز ایچون فائده لی اوله جقدرد.

کچنلرده آقره لیسنه بر تشبثده بولوندی: تورکیا داخلنده کی بالعموم لیسنه لرك اون برنجی صنف طلبه سنك بوسنه مآذون عدایدیلرک اسکی نظامنامه موجبجه بلامتحان دارالفنونه قبوللری ایچون معارف وکالتندن مساعده ایسته دیلر. موفقده اولدیلر، ظن ایدرز. بزده استقبالمز حقنده معروضاتمزی اولیای امور اقدیلرمنه عرض ایدرک قبول ایدیه جکنی شهسز عدایدرز. استقبالمز قطعی و واضح بر صورتده آکلاشیلمالی که راحت راحت درس لریمزه دوام ایده بیله لم...

انحرول اجتماعی

بر قسم استانبول قاربئنك ارتطاب ایتدیکی جرم اجتماعی

جلال اسعد بك «عصر یلشمك وفوقس تروت» سرلوحه سیله اقشام غزنه سنده شایان دقت بر مصاحبه نشرایتمش، استانبولده بوکونکی قادین سفاهتنك بنیه اجتماعیمنی نه صورتله صارصمقده اولدینی ایضاح ایتشدر. بعض فقره لرینی عینا نقل ایدیورز:

«عصر یلشمك ایچون اوروپا نك «شیعی» کبی سنی، «تالفو» سنی، «فوقس تروت» فی زیتون برونی قبریقه سنه ماکنه آلیرکن آلدق، چالاق و دیشیلی ارککلکی دوئمکه باشلادق. نه غریبدرکه اوروپا نك بوکی اذواقه طاند شیرینی آلفده کوستردیکمز عجله یی اوراده بوکی شیر یاننده انکشاف ایدن دیگر بیک درلو عواملده کوستره میورز.

بوکونکی فوقس تروت وشیعیلر اکلنجه وسفامتیه مشهور اولان لوی کتر زماننده بیله قبول ایدیه بیلیر برشی دکلدی. بوکون اوروپا لیرک دانسی هیچ شهسز بز مکتبلردن ده آرز غیر اخلاقیدر. چونکه اونلر فوقس تروت

عجبا مشروطیتی متعاقب اورتیه آتیلان «حریت نسوان»، «تعالی» نسوان، دعواری بوغایه واصل اولمق ایچون میدی؟ اوزمان قادینک اسارتی، ترقی و تعالی ایدمه مدیکنی تریم ایدنلرک آرتیق بوقیل شکایتلرینک توالی ایتدیکی نظر دفته آنیرسه «قادرین انقلابی» نك، «حریت و تعالی» نسوان، ک منه ای کالنه واصل اولدیغه، «غریبلاشمق مفکوره سی» نك تحققی ایلش اولدیغه حکم ایتک لارم کله جکدر ا دیمک که بوتون اوبالدیزی کله لرله سوسلنرک اورتیه آتیلان دعواردن یکانه غایه، قادینک یوزنده کی حجابی صبییره رق، بکندیکی ارکی قوکه طاقوب کوکسی کوکسینه یاپیشدیره رق عمومی محللرده دانس ایتسی ایش ا

حریت نسوان دعواسی کوده نلر، غایه لرینه واصل اولمق ایچون، دائماً تورک قادینلرینک ارککک استبداد و اسارتی آلتنده هر درلو حقوقدن محروم اولدیغنی، مملکتده مدنیت و ترقینک حصولی ایچون قادینک انکشافی لازم کلدیکنی ایلری سوربورلردی. او یله زمانلر اولمشدی که یوروپاغاندا همان بوتون غزته لری، بوتون مجموعه لری قابلامشدی. حتی غزته لر و مجموعه لرده کافی کله یه رک آریجه قادینک حریتی ایچون رساله لر بیله نشر اولونیوردی. طرف طرف تشکیل ایدن جمعیتلر هب قادینک حریتی اوغورنده ابدال مساعی ایدیوردی. بر طرفدن بوغیر رسمی یوروپاغاندا دوام ایدرکن دیگر طرفدن سلطنتک معارف نظارتی ده قیز مکتبلرینده انکشاف و تجمدد حرکتی - رسماً، قوه اجرائیه نك مظاهرتیله - تسهیل و تعمیم ایدیوردی. مکتبلر تدریس اوجاغندن چیقهرق عادتاً تیاترو مخنه لری حاله کنیریلشدی. ۱۶-۱۸ یاشنده قیزلر چپلاق باجاقلرله مخنه لرده نظارت ارکانه پیسه لر تمیل ایدیوردی. بوکا قارشى اعتراض ایدن اولیای اطفال ایسه مرتجع تمفاسیله (اداره عرفیه) نك بی امان پنجه سینه کچمکدن یقه سنی قورتاره مایوردی.

حریت نسوان آوقاتلری بعضاً سرمست غرور اوله رق قادینک حجابی آیاقلر آلتنده جیکنه مک ایچون اجتماعلر ترتیب ایدمه جک قدر شاریقلی کوسترمه یه قالدیشیورلردی.

بوتون بوحاکتله ایلری سورولن سبیلر «مملکتده مدنیت و ترقینک حصولی ایچون قادینک حریتی تأمین ایدیلسی لازم کلدیکنی» نقراندن عبارتدی. چونکه غربک ترقیسی قادینک مطلق حریتدن تولد ایتدیکنی بر متعارفه حالده ایلری سوربورلردی.

حالبوکه بوباطل بر ذهاب ایدی. بونک بطلانی اثبات ایچون تاریخدن بویوک بر شاهد اولاماز. هانکی مدنیت بشریه واردر که حریت نسوانیه ایله باشلامش اولسون؟ بالعکس، حریت مطلقه، سلطنت نسوانیه مدنیتلری محو و منقرض ایتشدر.

قادینک حریتی طلب کی بر دعوی پک جاذب کوروندی. تکرار

و شیمی به کلمک ایچون اوینا یانلرک یالکز پارمق اوجلری بر برینه طوقونان قادیرلردن، مه نوله ردن کچمشلردر. بوکون بزده ده بویله بر تکامل تدریجی تطبیق ایدمه و قادیرلره باشلایه لم، دیمک هر حالده کولونجدر.

موسیو پو آتقاره بوکونکی شیمی کی کوردکی زمان «Pourquoi debout؟» «نیچون آیاقدمه؟» دیمشدر.

بومشیدار کنیه فرانسه کی اک حریت پرور بر مملکتک اک بویوک آدمی طرفندن سویلنیرسه بزم کی دها دون قابوغندن چیقمش عصر جیوی ایچون، تهلرند قالمش یورطله قابوغنی کی سیاه پنجه لرینی طاشیرکن، فوقس تروته چیققی بویوک بر جاسارندر.

دون هکیمه قولی کوسترمه یه بر نسک بوکون قوللر آراسنده دوندیکنی کورونجه یری یادیرغابورم. بویادیرغامه نك آلت سبیلری اولمق لازمکورد. اوروپا رسم آتله یهنده قادین ارکک طلبه لر قاریشیق اوله رق چپلاق موده لر اوکنده چالیشدیغنی وقت دیوولایان بویادیرغانلق بزده نیچون طویولیور؟

بن امینمه بویله بر یادیرغانلق و ناخوشلق دیوان یالکز بن دکلام. زمانک کیدیشنه شیرین کورونمک و یوباز دینلمه مک ایچون، دیشی صندالیه سنده قهرمان طورى آلهرق سسنى چیقارما یانلر کی، دیشی صیقانلر چوق اولسه کرکدر. اوروپاده بویله بردانس طبیعی کورونور و روحلری پیره کنیرم. بزده ایسه بر اخلاق اورپرهمسی حصوله کنیرییور. بونی هنوز روحزده یاشایان آسی اخلاق یا «فوقس تروت»، یا «بن» دی یه طوتدورما سنده آرامالیدر.

عصر یلشمک آوروپانک یالکز طائفو ویا شیمی کی حرکت و باجاقلرله تعلق ایدن شیلرینی آلمق دکلد. محترم برخانم افندینک دیدیکی کی آوروپانک بیک بر مدنیت عواملندن اک صوک آله جفمزی اک اول آلمغه هیچ بر سبب یوقدر. دانسه کلنجه یه قادار آلا جفمز نه لر واره وجودندن بیله خبردار دکلز. بوکون بوقادار حریت پرور و مسامحه کار دانسلرله ذوق ایدن آوروپالیر قوندوره لری آلتنده کی جیویلری کنیدیلری یاییورلر. اونلرده دانس یملکه قونیلان بر طوز کیدر. بزده ایسه یالکز طوزله بر صوبی پیشیره رک یمک یایمق ایستیورز.

نجه بویکی اویونلر هیئت اجتماعیه مرک بولندیغنی دور اخلاقی یه کورده بنیه اجتماعیه مزى صارصه حق ماهیتده بر زهردر. آوروپاده بیله بوتون وایچکی نوعندن ذوقه هاند بر «vice» عد ایدیلن بواکلنجه لر دون فقس بره یزندن چیقان ضعیف معدله ایچون مایوزلی بالقی قادار آغیر کلیر. - جلال اسعد - مصاحبه محوری، هیئت اجتماعیه مزى تهدید ایتمکده اولان اک

درین یارده یه باصممشدر. فی الحقیقه بوکون استانبولک بر قسم قادینی سفاهت مالنده او یله بر یول طوتدی که اوکته کچیه مدیکنی تقدیرده بویکی یول هیئت اجتماعیه مزى ایچون پک بویوک بر فلاکتی انتاج ایدمه جکنی شه سز عد ایتک لازمدر.

مصاحبه محررینک دیدیکی کی، دون قولی هکیمه کوسترکن بویوک بر حجاب دیوان برقادین بوکون قولتوقلرینه قدر قوللرینی، مه لرینه و آرقه سنک اورتیه سنه قدر کوکسی، آرقه سنی آچهرق هر هانکی بر یابانچینک قوللری آره سنده غازیولرده، صالونلرده، بارلرده، قلوبلرده، هر نوعدن، هر جنسدن کیمسه لرک حضورنده دانس ایدیور. استانبولک اجنبی اشغالی زماننده باشلایان بو حرکت جدید آرزو مانده اوقدر بویوک بر مسافه قطع ایتدی که حیرتله ایچنده قلامق قابل دکلد.

ایدیله ایدیله بعض دماغلرده برمفکوره حاله کتیریلدی. قادین، ارکک برچوق کیمسه لر غیر شموری اوله رق بوجریانه قایلیدیلر. لکن طلب اولونان بو حربتک ماهیتی نه دن عبارتدی ؟ اسیر اولدینی ادعا ایدیلن تورک قادینی هیئت اجتماعیه دن نه ایسته یوردی ؟ چالیشمق، مستحصل اولمق می ؟ اساساً کویلی قادینی بونی یاپیوردی. هیئت اجتماعیه ده پک طبیعی کوریور، تقییح ایتیوردی. چونکه او، حقیقی بر احتیاجدن متولد ایدی. فقط حریت نسوان دعواسنده بولونان قادینلرک ایسته دکاری بودکلدی. اولر چالیشمق، مستحصل اولمق دکل ؛ ذوق وسفاهت ایتک ایسته یورلردی. یعنی غیر مشروع ومطلق برحریت اجتماعیه طلب ایدیورلردی. هیچ بروظیفه اجتماعیه مقابلی اولمسان بوطلبلرنده بالطبع حقسزایدیلر. اونک ایچون هیئت اجتماعیه من هیچ بر زمان بومطالبی حسن تلقی ایتدی، دائماً رد ایله قارشولادی.

هیئت اجتماعیه نك بورد وتقییح قارشوسنده قادینك استحصال حریتی دعواسنده بولونانلر اراده اجتماعیه قارشو عرض مطاوعت ایدم جکلری یرده اونی استخفاف ایتدیلر، دعوالری وسائط جبرییه ایله یوروتمه یه قلقیشدیلر. بالطبع بوحرکتلر ملتک حسیاتی چوق رنجیده ایتدی. حرب همومینک بارتکالینی آلتنده ازیلن ملت بواحوال قارشوسنده درین بریاس وفورده دوشدی. دیگر طرفدن سیاسی تهلکه لرک عظمتی ده اجتماعی تهلکه لرله اشتغاله میدان ورمیوردی.

بوتدنذب وفترتلك نتیجه سنده استانبول اجنبی اشتغالی آلتنده دوشدی. آرقه سندن آناطولی ده قدمه قدمه استقبالیه معروض قالیه باشلادی. بونجه زمانلردن بری بی پایان تجاوزات ومصائبه دوچار اولدینی حالده اساسات اجتماعیه سنك رسالتی سایه سنده داغیلمايان، آلتنده سلاحی اولمادینی حالده ایمانیله بوتون برخصومت عالنه قارشو یکی بر مبارزه میداننه حیقان آناطولی مسلمانلری بلا استقا قادین، ارکک دیشیله طیرناغیله مجاهده یه کیریشدی. استانبول ده اجنبی اشتغالی آلتنده بویوک برامتحانه معروض قالدی.

آناطولی، ملتک استقلال سیاسی وبقای اجتماعیه سی تأمین ایچون دشمنله جانیه باشیله چاریشدینی صیره ده استانبول ده حریت نسوان دعواسنی کوده نلر اراده اجتماعیه نك تضییقندن آزاده قالدقلری کوره رک وپک سودکلری غریبلرک قوای ضابطه سنده دایانه رق تورک - مسلمان قادینك حریتی اعلان ایتدیلر. استانبول ده تأسیس ایدیلن دانس سالونلرینه بر طاقم تورک - مسلمان قادینلری کلوب ده حریتلرینه قاووشمقدن متولد بویوک برحظوظ نفسانی ایچنده سرمست بر حالده فرانسزلر، یاخود انگلیزلرله قول قوله دانس ایتدکلری زمان آناطولی قادینی آیاغنده یرتینق چاریغیله قارلی طاغلری، چامورلی اووولری آشهرق بعضاً قیریق قاغیسیله، بعضاً آرقه سنده جیخان طاشیوردی. استانبول ده برطاقم قادینلر بوتون شعائر ملیه ودینییه

آیاقلر آلتنه آله رق ملتک حسیات ومقدسایله استهزا واعلان ایدیلن حریت اجتماعیه دن مطلق صورتده استفاده ایدرلرکن آناطولی ده تورک قادینلری تارلالری سورهرک مجاهدلر اردوسنه غذا یتشدیریوردی. اوزمان، استانبولک آداب وشعائرله تألیف ایدیله میه جک بو سفاهت عالملری اومجاهدلر دیارینه عکس ایتدیکه روحلر درین یأس واضطرابلر ایچنده قیورانیلر ؛ « بویوک ملت مجلسی استانبولک ناموسلی، حیثی، فضیلتلی اولادینه سلاملری، حرمتلری، اشتیاقلری ابلاغ ایدرکن قادین اولسون، ارکک اولسون ملتک مقدساتی هیچه سایان، ناموسنی لکله ین، نفس وهواسنه اسیر اولانلرک ده برکون کلوب حرکتلرینک حسابی ویرمکدن قورتوله مایه جقلری، اخطاردن کیری طورمازه، نشر ایتدیکی بیانشاملر ایله هرکسی مقدسات ملییه حرمته دعوت ایدردی. ایسته اوزمان تأسیس اولونان دانس سالونلری، بارلر اوقره کونلرک برخطرله الیمی اولمق اوزره استانبول ده یادکار قالدیلر.

اقسام غزته سنك یازدینی وجهله، بالطبع بواحوال بنیه اجتماعیه می تهیدیدایدن رزهردره، برآفتدر. بونک اوکنه کچمک، بنیان اجتماعیه می انهدامدن قورتارمق دیمکدر. هیچ شبهه سز بو بر فلاکت اجتماعیه در، که توسی انحلال اجتماعی بی انتاج ایدم. هیچ بر ملت بنیان اجتماعیه سی صارصه جق تهلکه لر، آفتلره قارشو لاقید قالمازه. اجتماعی تهلکه لر سیاسی تهلکه لر دن بویوکدر. بر ملت رسالت اجتماعیه سی محافظه ایتدیکه هر درلو مهاله قارشو کوس کره ییلر. فقط بنیان اجتماعیه نك صار- صیلدینی کون آرتیق اک کوچوک برصدمه یه بیله مقاومت امکانی قالمازه. درحال داغیلر کیدر.

هیئت اجتماعیه نك اخلاقی و اجتماعی ذهنیتلرینه، حسلرینه، فکرلرینه، غننه لرینه مخالف افعالک روحلرده درین اضطرابلر حصوله کتیره جکی طبعیدر. - قادین اولسون، ارکک اولسون - برطاقم کیمسه لر هوساتی تطمین ایچون هیئت اجتماعیه نك اساسات اخلاقیه سنه مغایر حرکتده کندیلرینی سربست عد ایدیورلرله آلدانیورلر. ارادات اجتماعیه یه حرمت ورطایت ایتک افرادک اک برنجی وظیفه سیدر. هیئت اجتماعیه نك مؤسس دساتیر اخلاقیه سی، نظام اجتماعیه سی، حقوق مقدسه سی اخلاک ایتک اک بویوک برجرم اجتماعیدر.

هیئت اجتماعیه نك مؤسس قواعد اخلاقیه سیله کندینی مقید عدایمین حریت مطلقه طرفدارلرینک حرکتلرینه امتثالاً برزمره افراد قلوب ده قوانین مملکتک پک حقسز، یاخود پک شدتلی اولدینی بهانه سیله اوقانونلره اطاعتدن انحراف ایدم رک کندی مزاج و تمایللرینه کوره تنظیم ایدم جکلری قوانینک غیری قانونلره رطایت ایتیه جکلری ادعا ایتسه لر کندیلرینی ملتک اساسات اجتماعیه سیله مقید عد ایتیه نلر عجباً بوادعایی نه صورتله تلقی ایدرلر ؟

عجبا بارلرده ، دانس سالونلرندہ قوللری ، کو کسلری ، آرقہلری
عریان بر حالده یابانچی مرهانکی برار ککله دانس ایدن تورک - مسلمان
قادیئلری بو حرکتلرینه هیئت اجتماعیہک معارض اولمادیغنه می ذاهیدرلر؟
اگر (هیئت اجتماعیہ) دینتجه فرانسز ، روس ، یا خود دیگر بر غرب
هیئت اجتماعیہسنی آکلایورلرسه اووقت دییه جک یوقدر . او هیئت
اجتماعیہلر بالطبع بوکبی شیرہ معارض دکدرلر . فقط امین اولمالیدرکه
بو اولکده ساکن اولان هیئت اجتماعیہ بواحواله تمامیلہ معارضدر .
محدود برطاقم کیسهلردن ماعدا ملتک هیئت عمومیہسی قلباً و فکرآ بو
احوالی تمامیلہ تقییح ایتکده در .

اوحالده ناصل اولورده عددی پک محدود اولان برطاقم کیسهلر
اون کسور میلیوندن عبارت اولان قوجه بر هیئت اجتماعیہک آداب
وشعائر ملیہسنه قارشى حرمتسزک کوستره بیلورلر ؟ طبعی ، بو
کمال اهمیتله نظر دقته آینه جق بر نقطه در . اجتماعی قوه تأییدیه عجبا
ضعفه می دوچار اولدی که بوسرکشانه حرکتلر بی پروا ارتکاب
اولونیور ؟

بر هیئت اجتماعیہک ، کندی روح اجتماعیہسنه مخالف ومعارض
طورآ لائلری اراده اجتماعیہسنه انقیادایتدیرہ میه جک درجه یه دوشمی
فوضای اجتماعی مقدمایتدر . عجبا هیئت اجتماعیہ من بر فوضایه طوغریہی
کیدییور ؟

هیئت اجتماعیہک آداب وشعائر ملیہسنه قارشى سرکشانه حرکتده
بولونانلر غالباً هیئت اجتماعیہک اجتماعی قوه تأییدیهسنی ضایع ایتدیکنه
ذاهب اولمقدہ درلر . آنجاق بو ذهاب ایله درکه روح اجتماعیہ قارشى
اولان بو حرکتلرندہ دوام ایدہ بیلورلر . یوقسه هیئت اجتماعیہک
قلباً و فکرآ بواحوالی تقییح ایتدیکنی ادعا ایدہ جک قدر کستاخلقده
بولونه مازلر ، ظن ایدرز .

اگر متوالی یورغونقلر ، طاقتک فوقده فدا کارلقلر ، مصیبتلر ،
استیلالر ، مهاجرلر ، ایشسرلکلر سائقه سیله هیئت اجتماعیہک اجتماعی
قوه تأییدیهسی ضعفه دوچار اولمشسه ، کندی روح اجتماعیہسنه
مخالف حرکتده بولونانلری اراده اجتماعیہسنه انقیاد ایتدیرمک قدرتی
ضایع ایتمشسه اووقت قوه اجرائیہک بو خصوصده مظاهرت
ومعاونت کوسترمسی ضرورت کسب ایدر . زیرا قوه اجرائیہ اداره
ایتدیکی هیئت اجتماعیہک اضطراب روحیسنک مفکردهسنی تشویش
ایدہ جک درجه ده ، دریناشمهسنه البته لاقید قاله ماز . او اضطرابی
تسکین ایتک ، فکرلره ، قلبلره سکون و اطمینان بخش ایتک ایچون
قوه اجرائیہ پک حساس اولق لازم کلیر .

واقعا مرهانکی بروظیفه اجتماعیہ برواسطه اجتماعیہ ایله اجرا اولونمق

لازمدر ، مطاوعت شکنانه حرکات اجتماعیہی مأمورین واسطه سیله
اصلاحه تشبث ایتک مشکدر ؛ فقط بر هیئت اجتماعیہ آره سنده انحلال
اجتماعی بی انتاج ایدہ جک درجه ده بویوک برتهلکه اجتماعیہ باش کوسترسه
بوکا قارشى قوه اجرائیہک لاقید قالسی البته طوغر اوله ماز .
ناصیل که بعضاً قوه اجرائیہ سیاسی فوضالر قارشوسنده تدایر استثناییه
مراجعت مجبوریتده قالیورسه اجتماعی فوضالر قارشوسنده روح
اجتماعیہک اینلرینه ، اضطرابلرینه قولاق ویرہ رک اراده اجتماعیہک
قوه تأییدیهسی وظیفهسنی درعه ده ایتک ضرورت حالی اکتساب
ایدر . حرب زماننده بویوک ملت مجلسنک ، استانبولده کی آداب وشعائر
ملیه ایله غیر قابل تألیف احوال و حرکات اجتماعیہ قارشى نشر ایتدیکی
بیاننامه واجراسنی درعه ده ایتدیکی وظیفه روح ملی بی وجدان اجتماعی بی
تطمین ایتک اعتباریلہ بویوک بر اثر کیاست ایدی . قوه اجرائیہ من مر
زمان بواثر کیاستی کوسترمک قدرتی حائر در .

آما طولی مجاهده سی زماننده استانبول اهلایسنه خطاباً نشر اولونان
بیاننامه ک نه قدر عظیم بر حسن تأثیر اجرا ایتدیکی ، اراده اجتماعی بی
استخفاف ایله روح ملی و وجدان اجتماعیہ قارشى حرکت ایدنلرک
جراآتلی نه قدر قیریلدینی معلومدر . بویوک ملت مجلسی حکومتی بوکون
اوقدرت ونفوذنی ضایع ایتمه مشدر . بزظن ایدرز که ایکی سطر بر بیاننامه
ایله آداب وشعائر ملیہ ، وجدان اجتماعیہ قارشى سرکشانه حرکت
ایدنلری اراده اجتماعیہسنه انقیاده دعوت ایدرسه هرکس اطاعت
کوستره جکدر . اگر اجتماعی قوه تأییدیه کی اجرائی قوه تأییدیه ده
نفوذ واهمیتنی ضایع ایتمشسه - که بز بوکا اصلاً قائل دکاز - اووقت
ایشیمز آرتیق اللهه قالمش دیمکدر . مقدرات الهیهک تجلیسنه انتظاردن
بلشقه یاپه جق برشی یوقدر .

قوه اجرائیہ روح ملی و وجدان اجتماعیہ قارشى حرکت ایدنلری
اراده اجتماعیہسنه اطاعته دعوت ایدرسه بزبونک فوق العاده بر حسن تأثیر
اجرا ایدہ جکنه قائلز . بونکله برابر - قادین ، ارکک - مملکتک فضیلتلی
وحیثی اولادی بر (مدافعه اجتماعیہی) تشکیل ایدرک آداب وشعائر
ملیه ک محافظه سی خصوصنده قوه اجرائیہک ایضا ایدہ جکی تشبثانه
مظاهرت ایدرسه آز زمانده حیات اجتماعیہده بویوک بر صلاح اثری
کوروله جکنه ، اجتماعیات ملیہک انحلالدن مصون قاله جغه شبه یوقدر .
برطرفدن قوه اجرائیہ ، دیگر طرفدن بومدافعه اجتماعیہی هیئت روح
ملی و وجدان اجتماعیہسنه مخالف سرکشانه حرکتلرک عواقب خبیثهسنی
ممکن اولان وسائط اجتماعیہ ایله ایضاح ایدرک اراده اجتماعیہسنه اطاعت
وانقیاد ایتدیرمہ بی تحت تأمینہ آلمسی بوکونک المستعجل بروظیفه سیدر .
آنجق بوسورتله درکه فوضای اجتماعیہک اوکده کجیلہ بیلیر . عکس تقدیرده
انحلال اجتماعی محققدر .